

ЎЗБЕКИСТОН РЕСПУБЛИКАСИ АДЛИЯ ВАЗИРЛИГИ

ҲУНАРМАНД ВА КАСАНАЧИ ШАХСЛАРГА СУБСИДИЯЛАР АЖРАТИШ

УСЛУБИЙ ҚЎЛЛАНМА

Ҳунарманд ва касаначи шахсларга субсидиялар ажратиш. Услубий қўлланма. Ўзбекистон Республикаси Адлия вазирлиги, «Адолат» миллий ҳуқуқий ахборот маркази.
– Тошкент. 2025 й. – 52 б.

*Ўзбекистон Республикаси Адлия вазири А. Ташкулов ва
Ўзбекистон Республикаси Президентининг маслаҳатчиси
ўринбосари У. Мухаммадиевнинг умумий таҳрири остида*

Мазкур услубий қўлланма «маҳалла етилиги» аъзолари, ҳунарманд ва касаначи фуқароларга мўлжалланган бўлиб, унда ҳунармандчилик ва касаначилик билан шуғулланаётган шахсларга субсидиялар ажратиш тартиблари ҳақида тушунчалар берилган. Ушбу қўлланма масъул ходимларга бу борадаги ҳуқуқни қўллаш амалиётини тўғри ва бир хилда олиб боришга кўмаклашади.

Мазкур услубий қўлланма тавсиявий хусусиятга эга.

© «Адолат» миллий ҳуқуқий
ахборот маркази, 2025 йил

Мундарижа

Кириш.....	4
Хунармандчиликка ва касаначилик билан шуғулланаётган шахсларга субсидиялар ажратишга доир қонунчилик ҳужжатлари.....	6
Хунармандчилик ва касаначилик тушунчалари.....	8
Хунармандчилик ва касаначиликни қўллаб-қувватлаш жамғармаси.....	9
Жамғарма томонидан ажратиладиган субсидиялар рўйхати	10
Хунармандчилик фаолиятини қўллаб-қувватлаш учун ажратиладиган субсидиялар	15
Маҳаллаларда касаначиликни ташкил этган тадбиркорлик субъектларига субсидия ажратиш	24
Хунармандчилик ва касаначиликни қўллаб-қувватлаш жамғармаси маблағлари ҳисобидан тадбиркорлик субъектларига фоизсиз ссуда ажратиш.....	45
Хунармандчилик билан шуғулланаётган шахслар учун имтиёз ва кафолатлар.....	48

КИРИШ

Ҳунармандчилик соҳаси – янги иш ўринлари ташкил қилиш, ёшларни фойдали меҳнатга жалб этиш, туризмни ривожлантириш борасида катта имкониятлар манбаи ҳисобланади.

Ислохотлар даврида республикамизда миллий ҳунармандчиликни ривожлантириш бўйича кенг имкониятлар яратилиб, қатор чора-тадбирлар амалга ошириб келинмоқда.

Сўнгги олти йилда ҳунармандчилик ва касаначиликни янада ривожлантиришга қаратилган 30 дан ортиқ норматив-ҳуқуқий ҳужжатлар, жумладан, Президентимизнинг 15 та фармон ва қарорлари ҳамда Вазирлар Маҳкамасининг 20 га яқин қарорлари қабул қилинганлиги фикримиз далилидир.

Ўзбекистон Республикаси Президентининг 2017 йил 17 ноябрдаги «Ҳунармандчиликни янада ривожлантириш ва ҳунармандларни ҳар томонлама қўллаб-қувватлаш чора-тадбирлари тўғрисида»ги Фармони мазкур масалаларнинг том маънодаги ечими бўлди.

Ушбу ҳужжат билан ҳунармандларни ҳар томонлама қўллаб-қувватлаш, уларга ер майдонлари ва бинолар ажратиш, муҳандислик-коммуникация тармоқларига улаш, имтиёзли кредитлар бериш, маҳсулотларини сотиш ва экспорт қилиш, шунингдек, республикаимизнинг туман ва шаҳарларида ҳунармандчиликни ривожлантириш марказларини ташкил этиш ва «Уста-шогирд» мактаблари фаолиятини такомиллаштириш вазифалари белгиланди.

Бундай саъй-ҳаракатлар натижасида юртимизда миллий ҳунармандчилик жадал ривожланиб бормоқда. Мисол учун, 2017 йилгача «Ҳунарманд» уюшмасига ўн мингга яқин киши аъзо бўлган бўлса, бугунги кунга келиб уларнинг сони қарийб 7 баробарга, шогирдлар 9 баробарга кўпайиб, соҳада банд бўлганлар сони 230 минг нафарга етди.

Мазкур услубий қўлланма «маҳалла еттилиги» аъзолари, ҳунарманд ва касаначи фуқароларга мўлжалланган бўлиб, унда ҳунармандчилик ва касаначилик билан шуғулланаётган шахсларга субсидиялар ажратиш тартиблари ҳақида тушунчалар берилган. Ушбу қўлланма ҳунарманд ва касаначиларнинг ҳуқуқларини, уларга яратилган имкониятларни тушунтиришга, масъул ходимларга бу борадаги ҳуқуқни қўллаш амалиётини тўғри ва бир хилда олиб боришга кўмаклашади.

ХУНАРМАНДЧИЛИККА ВА КАСАНАЧИЛИК БИЛАН ШУЎУЛЛАНАЎТГАН ШАХСЛАРГА СУБСИДИЯЛАР АЖРАТИШ ЮЗАСИДАН ҚОНУНЧИЛИК ҲУЖЖАТЛАРИ



Ўзбекистон Республикаси Конституцияси



Ўзбекистон Республикаси Президентининг 2017 йил 17 ноябрдаги “Хунармандчиликни янада ривожлантириш ва хунармандларни ҳар томонлама қўллаб-қувватлаш чора-тадбирлари тўғрисида” ПФ–5242-сонли Фармони



Ўзбекистон Республикаси Президентининг 2019 йил 3 октябрдаги “Халқаро хунармандчилик фестивалини ўтказиб боришга оид чора-тадбирлар тўғрисида”ги ПФ–5841-сон Фармони;



Ўзбекистон Республикаси Президентининг 2023 йил 12 июндаги “Аҳолини хунармандчиликка жалб қилиш ва хунармандчилик фаолиятини ривожлантириш учун қулай шарт-шароитлар яратиш чора-тадбирлари тўғрисида”ги ПФ–91 Фармони;



Ўзбекистон Республикаси Президентининг 2019 йил 3 октябрдаги “Хунармандчиликни янада ривожлантириш ва хунармандларни ҳар томонлама қўллаб-қувватлаш чора-тадбирлари тўғрисида”ги ПФ–5242-сон Фармони;



Ўзбекистон Республикаси Президентининг 2021 йил 30 декабрдаги “Хунармандчилик фаолиятини қўллаб-қувватлаш тизимини янада такомиллаштириш чора-тадбирлари тўғрисида”ги ПҚ–77-сон қарори;



Ўзбекистон Республикаси Президентининг 2022 йил 25 июлдаги «Маҳаллаларда саноат, хунармандчилик, касаначилик ва чорвачилик микромарказларини ташкил этиш чора-тадбирлари тўғрисида»ги ПҚ–331-сон қарори



Ўзбекистон Республикаси Вазирлар Маҳкамасининг 2023 йил 22 июлдаги «Ўзбекистон Республикаси Камбағалликни қисқартириш ва бандлик вазирлиги ҳузуридаги Хунармандчилик ва касаначиликни қўллаб-қувватлаш жамғармаси фаолиятини ташкил этиш чора-тадбирлари тўғрисида»ги 307-сон қарори

ҲУНАРМАНДЧИЛИК ВА КАСАНАЧИЛИК ТУШУНЧАЛАРИ

Ҳунармандчилик – миллий-анъанавий майда товар ишлаб чиқариш, оддий меҳнат қуrollари ёрдамида якка тартибда ва қўл меҳнатига асосланган саноат тури; шундай маҳсулотлар тайёрланадиган касбларнинг умумий номи.



Бу муҳим!

Ҳунармандлар Ўзбекистон Республикаси Президентининг 2020 йил 8 июндаги ПҚ–4742-сон қарори билан тасдиқланган ўзини ўзи банд қиладиган шахслар учун фаолият (ишлар, хизматлар) турлари рўйхатида келтирилган фаолият йўналишлари бўйича ўзини ўзи банд қилган шахс сифатида фаолият юритишлари мумкин.

Касаначилик – тузиладиган меҳнат шартномасига мувофиқ жисмоний шахс (касаначи) томонидан ўз яшаш жойи бўйича ёки касаначига ёхуд унинг оила аъзоларига тегишли бўлган ёки касаначи томонидан ижарага олинган бошқа хоналарда иш берувчининг буюртмалари бўйича товарлар ишлаб чиқариш ёки хизматлар кўрсатиш борасида амалга ошириладиган ишдир.

ҲУНАРМАНДЧИЛИК ВА КАСАНАЧИЛИКНИ Қўллаб-қувватлаш жамғармаси

Жамғарма маблағларини шакллантириш тартиби

Жамғарма маблағлари қуйидаги манбалар ҳисобидан шакллантирилади:

- ✓ Ўзбекистон Республикаси Давлат бюджетидан ҳар йили ажратиладиган трансфертлар;
- ✓ халқаро молия институтлари грантлари, жисмоний ва юридик шахслар ва бошқа хорижий донорларнинг ҳомийлик хайриялари;
- ✓ Жамғарманинг вақтинча бўш маблағларини тижорат банкларига жойлаштиришдан фоиз шаклида олинадиган даромадлар;
- ✓ қонунчилик ҳужжатларида тақиқланмаган бошқа манбалар.

Жамғарма маблағлари солиқ солинадиган объект ҳисобланмайди.



ЖАМҒАРМА ТОМОНИДАН АЖРАТИЛАДИГАН СУБСИДИЯЛАР РЎЙХАТИ

1) «Уста-шогирд» анъаналари асосида ёшларга ҳунар ўргатаётган ҳунаrmандларга шогирдлар тайёрлаш, зарур хомашё сотиб олиш ва шогирдларни иш ҳақи билан таъминлаш учун:

- 1, 2, 3-тоифа туман ва шаҳарларда – базавий ҳисоблаш миқдорининг (БҲМ) 2 бараваригача;
- 4-тоифа туман ва шаҳарларда – БҲМнинг 4 бараваригача;
- 5-тоифа туман ва шаҳарларда – БҲМнинг 5 бараваригача.

2) Шогирдларга – мустақил фаолият бошлаши учун зарур асбоб-ускуна ва жиҳозларни сотиб олиш учун:

- 1, 2, 3-тоифа туман ва шаҳарларда – харажатларнинг 50 фоизи, бироқ БҲМнинг 25 бараваригача;
- 4-5-тоифа туман ва шаҳарларда – харажатларнинг 75 фоизи, бироқ БҲМнинг 30 бараваригача.

3) Усталарга – интернет сайтларини яратиш, ўз маҳсулотларини жаҳон электрон савдо майдончаларига чиқариш ва реклама харажатлари учун:

- 1, 2, 3-тоифа туман ва шаҳарларда – харажатларнинг 50 фоизи, бироқ БҲМнинг 25 бараваригача;
- 4-5-тоифа туман ва шаҳарларда – харажатларнинг 75 фоизи, бироқ БҲМнинг 30 бараваригача.

4) Ҳунармандларнинг «Ҳунарманд» уюшмасига аъзолик бадали харажатлари учун:

- 1, 2, 3, 4, 5-тоифа туман ва шаҳарларда – БҲМнинг 5 бара-варигача.

5) Ҳунармандчилик фаолияти билан шуғулланаётган ногиронлиги бўлган шахсларнинг иш жойини мослаштириш учун ҳар бир мослаштирилаётган иш жойи бўйича:

- 1, 2, 3, 4, 5-тоифа туман ва шаҳарларда – БҲМнинг 40 бара-варигача.

Республикамызда шаҳар ва туманларнинг тоифалари

Президентимизнинг 2022 йил 30 декабрдаги ПФ–287-сон Фармони билан ҳудудлар ўртасидаги иқтисодий тенгсизликни қисқартириш, туман ва шаҳарларни уларнинг шароити, салоҳияти ва имкониятларидан келиб чиқиб ривожлантириш бўйича янгича ёндашувларни жорий этиш, шунингдек, тадбиркорлик муҳитини янада яхшилаш, давлат қўмагини бериш тартибини такомиллаштириш ва унинг самарадорлигини ошириш мақсадида республика туман ва шаҳарларини 5 та тоифага ажратиш тартиби жорий этилди. Шунга мувофиқ, туман ва шаҳар тоифасидан келиб чиқиб, тадбиркорлик субъектларига солиқ имтиёзлари, субсидиялар ва уларни қўллаб-қувватлашнинг бошқа чоралари қўллаб келинмоқда.

Шаҳар ва туманларнинг тоифалари

Қорақалпоғистон Республикаси

1-тоифа: мавжуд эмас

2-тоифа: Нукус шаҳри ва Қўнғирот тумани;

3-тоифа: Беруний, Қораўзак, Тахиатош, Тўртқўл, Хўжайли, Чимбой, Эллиқалъа туманлари;

4-тоифа: Амударё ва Нукус туманлари;

5-тоифа: Бўзатов, Кегейли, Қонликўл, Мўйноқ, Тахтақўпир, Шуманай туманлари.

Тошкент шаҳри

1-тоифа: барча туманлар.

Андижон вилояти

1-тоифа: Андижон шаҳри;

2-тоифа: Андижон, Асака ва Шаҳрихон туманлари, Хонобод шаҳри;

3-тоифа: Балиқчи, Булоқбоши, Қўрғонтепа, Олтинқўл ва Хўжаобод туманлари;

4-тоифа: Жалақудук, Избоскан, Марҳамат ва Пахтаобод туманлари;

5-тоифа: Бўстон ва Улуғнор туманлари.

Бухоро вилояти

1-тоифа: Бухоро шаҳри;

2-тоифа: Когон шаҳри, Когон, Қоровулбозор ва Ромитан туманлари;

3-тоифа: Бухоро, Ғиждувон ва Қорақўл туманлари;

4-тоифа: Вобкент, Жондор, Олот, Пешку, Шофиркон туманлари ;

5-тоифа: мавжуд эмас

Жиззах вилояти

1-тоифа: Жиззах шаҳри;

2-тоифа: Ғаллаорол тумани;

3-тоифа: Дўстлик, Зарбдор, Зафаробод, Зомин, Мирзачўл, Пахтакор, Фориш, Шароф Рашидов туманлари;

4-тоифа: Бахмал, Янгиобод туманлари;

5-тоифа: Арнасой тумани;

Қашқадарё вилояти

1-тоифа: Қарши шаҳри;

2-тоифа: Шаҳрисабз шаҳри, Ғуздор, Китоб ва Шаҳрисабз туманлари;

3-тоифа: Касби, Косон, Кўкдала, Қарши, Чироқчи ва Яккабўғ туманлари;

4-тоифа: Қамаш, Миришкор, Муборак, Нишон туманлари;

5-тоифа: Деҳқонобод тумани.

Навоий вилояти

1-тоифа: Навоий шаҳри;

2-тоифа: Зарафшон шаҳри, Кармана, Навбаҳор ва Учқудуқ туманлари;

3-тоифа: Ғозғон, Қизилтепа, Нурота туманлари;

4-тоифа: Конимех, Хатирчи туманлари;

5-тоифа: Томди тумани.

Наманган вилояти

1-тоифа: Наманган шаҳри, Янги Наманган ва Давлатобод туманлари;

2-тоифа: Тўрақўрғон, Уйчи, Учқўрғон туманлари;

3-тоифа: Косонсой, Наманган, Поп, Чортоқ, Чуст ва Янгиқўрғон туманлари;

4-тоифа: Норин тумани;

5-тоифа: Мингбулоқ тумани.

Самарқанд вилояти

1-тоифа: Самарқанд шаҳри;

2-тоифа: Жомбой, Самарқанд ва Тойлоқ туманлари;

3-тоифа: Каттақўрғон шаҳри, Булунғур, Иштихон, Нарпай, Оқдарё, Пастдарғом ва Ургут туманлари;

4-тоифа: Каттақўрғон, Нуробод, Пахтачи, Пайариқ туманлари;

5-тоифа: Қўшрабод тумани.

Сирдарё вилояти

1-тоифа: мавжуд эмас

2-тоифа: Гулистон ва Ширин шаҳарлари, Сирдарё тумани;

3-тоифа: Янгиер шаҳри, Мирзаобод ва Оқолтин туманлари;

4-тоифа: Боёвут, Гулистон, Сайхунобод ва Ховос туманлари;

5-тоифа: Сардоба тумани.

Сурхондарё вилояти

1-тоифа: Термиз шаҳри;

2-тоифа: Жарқўрғон ва Термиз туманлари;

3-тоифа: Ангор, Денов, Қумқўрғон, Сариосиё;

4-тоифа: Бойсун, Музработ, Узун, Шеробод, Шўрчи;

5-тоифа: Бандихон, Қизириқ, Олтинсой туманлари.

Тошкент вилояти

1-тоифа: Оҳангарон ва Чирчиқ шаҳарлари;

2-тоифа: Ангрен, Бекобод, Нурафшон, Олмалиқ ва Янгийўл шаҳарлари, Бўстонлик, Зангиота, Қибрай, Қуйи Чирчиқ, Тошкент, Чиноз ва Юқори Чирчиқ туманлари;

3-тоифа: Оққўрғон, Оҳангарон, Паркент, Ўртачирчиқ ва Янгийўл туманлари;

4-тоифа: Бекобод, Бўка ва Пискент туманлари;

5-тоифа: мавжуд эмас

Фарғона вилояти

1-тоифа: Фарғона шаҳри;

2-тоифа: Қўқон ва Марғилон шаҳарлари, Бувайда тумани;

3-тоифа: Қувасой шаҳри, Бешариқ, Бағдод, Данғара, Қува, Қўштепа, Олтиариқ, Риштон, Тошлоқ, Ўзбекистон, Учқўприк ва Фарғона туманлари;

4-тоифа: Фурқат тумани;

5-тоифа: Сўх, Ёзёвон туманлари.

Хоразм вилояти

1-тоифа: Урганч шаҳри;

2-тоифа: Боғот тумани;

3-тоифа: Хива шаҳри, Гурлан, Тупроққалъа, Урганч, Ҳазорасп, Хонқа, Шовот туманлари;

4-тоифа: Қўшқўпир, Хива ва Янгибозор туманлари;

5-тоифа: Янгиариқ тумани.

ХУНАРМАНДЧИЛИК ФАОЛИЯТИНИ ҚЎЛЛАБ-ҚУВВАТЛАШ УЧУН АЖРАТИЛАДИГАН СУБСИДИЯЛАР

Талабгорга субсидия туман (шаҳар) Камбағалликни қисқартириш ва бандликка кўмаклашиш бўлими (кейинги ўринларда – маҳаллий меҳнат органи) томонидан тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчисининг тавсияси асосида ажратилади.

«Уста-шогирд» аънчалари асосида ёшларга ҳунар ўргатаётган ҳунармандларга шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаш учун субсидия ажратиш

«Уста-шогирд» аънчалари асосида ёшларга ҳунар ўргатаётган ва тадбиркор сифатида давлат рўйхатидан ўтган ҳунармандлар (кейинги ўринларда – ҳунарманд) шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаши учун субсидия ажратиш бўйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив давлат хизматлари портали орқали электрон шаклдаги ариза билан мурожаат қилиши мумкин.

Аризада ҳунарманднинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, ишлаб чиқариш эҳтиёжлари учун зарур хом ашё сотиб олиш ва шогирдларни иш ҳақи билан таъминлаши учун сўралаётган субсидия тури, «Ҳунарманд» уюшмасига аъзолиги ва тадбиркор сифатида давлат рўйхатидан ўтганлиги, банк реквизитлари кўрсатилади, шунингдек, «уста-шогирд» аънчалари асосида шогирд сифатида у қабул қилган меҳнатга лаёқатли ёшларнинг (фамилияси, исми ва отасининг исми кўрсатган ҳолда) рўйхати илова қилинади.

Аризада қайд этилган ва илова қилинган ҳужжатлардаги маълумотлар ҳаққонийлиги учун ҳунарманд жавобгар ҳисобланади.

Ҳоким ёрдамчиси уч иш куннда:

а) «Онлайн маҳалла» электрон платформаси орқали қуйидаги маълумотларни ўрганади:

- ҳунарманд ҳақиқатда «Ҳунарманд» уюшмаси аъзоси эканлиги;
- ҳунарманд сўралаётган субсидия туридан муқаддам фойдаланмаганлигини;

б) жойига чиққан ҳолда қуйидагиларни ўрганади:

- ёшларнинг ҳақиқатда «уста-шогирд» анъаналари асосида ҳунармандлардан ҳунар ўрганаётганлигини;
- ишлаб чиқариш эҳтиёжлари учун зарур хом ашёга эҳтиёжини;

в) ўрганиш натижалари бўйича далолатнома расмийлаштиради ва далолатномада қуйидагилар акс эттирилади:

- ҳунарманднинг «Ҳунарманд» уюшмасига аъзолиги;
- ёшлар ҳақиқатда «уста-шогирд» анъаналари асосида ҳунарманддан ҳунар ўрганаётганлиги;
- сўралаётган субсидия туридан муқаддам фойдаланмаганлиги;
- ишлаб чиқариш эҳтиёжлари учун зарур хом ашёга эҳтиёжи мавжудлиги;

г) «Онлайн маҳалла» электрон платформаси орқали қуйидаги маълумотларни маҳаллий меҳнат органига юборади:

- тавсия (қуйидагилар акс эттирилади: ҳунарманднинг «Ҳунарманд» уюшмасига аъзолиги, ёшлар ҳақиқатда «уста-шогирд» анъаналари асосида ҳунарманддан ҳунар ўрганаётганлиги, сўралаётган субсидия туридан муқаддам

фойдаланмаганлиги, ишлаб чиқариш эҳтиёжлари учун зарур хом ашёга эҳтиёжи мавжудлиги);

- субсидия олиш бўйича ҳунарманднинг аризаси ва унга илова қилинган ҳужжатлар;
- ўрганиш натижалари бўйича расмийлаштирилган далолатнома.

Тавсия ва далолатномада кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

Агарда ҳунарманд юқорида санаб ўтилган ҳоким ёрдамчиси ўрганадиган талабларга мос келмаса ёки нотўғри (ёлғон) маълумотлар тақдим этганлиги аниқланган ҳолатларда субсидия ажратиш рад этилади ҳамда бу ҳақда ҳоким ёрдамчиси бир иш кунида рад этиш сабабларини кўрсатган ҳолда ҳунармандга хабарнома юборади.

Маҳаллий меҳнат органи икки иш кунида:

-  ҳоким ёрдамчисининг тавсияси ва тавсия билан бирга юборилган ҳужжатларни ўрганиб чиқади;
-  ўрганиш натижасига кўра (агарда тавсия ва ҳужжатларда кўрсатилган маълумотлар ўз тасдиғини топса) субсидия ажратиш тўғрисида маҳаллий меҳнат органининг тегишли буйруғи қабул қилинади ҳамда бу ҳақда ҳоким ёрдамчисига ва ҳунармандга хабарнома юборади.

Маҳаллий меҳнат органи ҳунармандга шогирдлар тайёрлаш, зарур хом ашё сотиб олиш ва шогирдларни иш ҳақи билан таъминлаш учун – 6 ой давомида ҳар ойда 1 – 3-тоифадаги туман (шаҳар)лар учун базавий ҳисоблаш миқдорининг икки бараваригача, 4-тоифадаги туман (шаҳар)лар учун базавий ҳисоблаш миқдорининг тўрт бараваригача ва 5-тоифадаги туман (шаҳар)лар учун базавий ҳисоблаш миқдорининг беш бараваригача миқдорда субсидия ажратади ҳамда субсидияни икки иш куни ичида устанинг банкдаги ҳисобварағига ўтказиб беради.

Агарда ҳоким ёрдамчиси томонидан берилган тавсия ва юборилган ҳужжатларда қайд этилган маълумотлар ўрганиш давомида ўз тасдиғини топмаса, маҳаллий меҳнат органи томонидан субсидия ажратиш рад этилади ҳамда бу ҳақда сабабларни кўрсатган ҳолда ҳоким ёрдамчисига ва ҳунармандга хабарнома юборади.

 Бу муҳим!

Ушбу субсидия туридан фойдаланиш ҳуқуқи бир марта берилади.

 «Уста-шогирд» анъаналари асосида ҳунар ўрганган шогирдга мустақил ўз фаолиятини бошлаш учун зарур асбоб-ускуна ва жиҳозларни сотиб олишга субсидия ажратиш

«Уста-шогирд» анъаналари асосида ҳунар ўрганган шогирд (кейинги ўринларда – шогирд) мустақил ўз фаолиятини бошлаши учун зарур асбоб-ускуна ва жиҳозларни сотиб олишга субсидия ажратиш бўйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив давлат хизматлари портали орқали электрон ариза билан мурожаат қилиши мумкин.

Аризада шогирднинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, сўралаётган субсидия тури, «Ҳунарманд» уюшмасига аъзолик маълумотномаси кўрсатилади, шунингдек, «уста-шогирд» анъаналари асосида ҳунар ўрганганлигини тасдиқловчи ҳужжатларнинг нусхалари илова қилинади.

Аризада қайд этилган маълумотлар ҳаққонийлиги учун шогирд жавобгар ҳисобланади.

Ҳоким ёрдамчиси уч иш кунида:

а) «Онлайн маҳалла» электрон платформаси орқали сўралаётган субсидия туридан муқаддам фойдаланмаганлиги тўғрисидаги маълумотларни аниқлайди;

б) жойига чиққан ҳолда қуйидагиларни ўрганади:

- шогирднинг ҳақиқатда «уста-шогирд» анъаналари асосида ҳунарманддан ҳунар ўрганганлигини;
- мустақил фаолият бошлаши учун зарур асбоб-ускуна ва жиҳозларни сотиб олишга эҳтиёжини;

в) ўрганиш натижалари бўйича далолатнома расмийлаштиради ва далолатномада қуйидагилар акс эттирилади:

- сўралаётган субсидия туридан муқаддам фойдаланмаганлиги;
- шогирднинг ҳақиқатда «уста-шогирд» анъаналари асосида ҳунарманддан ҳунар ўрганганлиги;
- мустақил фаолият бошлаши учун зарур асбоб-ускуна ва жиҳозларни сотиб олишга эҳтиёжи мавжудлиги;

г) «Онлайн маҳалла» электрон платформаси орқали қуйидаги маълумотларни маҳаллий меҳнат органига юборади:

- тавсия (тавсияда акс эттирилади: сўралаётган субсидия туридан муқаддам фойдаланмаганлиги, шогирднинг ҳақиқатда «уста-шогирд» анъаналари асосида ҳунарманддан ҳунар ўрганганлиги, мустақил фаолият бошлаши учун зарур асбоб-ускуна ва жиҳозларни сотиб олишга эҳтиёжи мавжудлиги);
- субсидия олиш бўйича шогирднинг аризаси ва унга илова қилинган ҳужжатлар;
- ўрганиш натижалари бўйича расмийлаштирилган далолатнома.

Тавсия ва далолатномада кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

Усталарга интернет сайтларини ташкил этиш, ўз маҳсулотларини жаҳон электрон савдо майдончаларига чиқариш ва реклама харажатлари учун субсидия ажратиш

«Хунарманд» уюшмаси аъзоси бўлган ва тадбиркор сифатида давлат рўйхатидан ўтган шахслар (кейинги ўринларда – уста) интернет сайтларини ташкил этиш, ўз маҳсулотларини жаҳон электрон савдо майдончаларига чиқариш ёки реклама харажатлари учун ажратиладиган субсидияларнинг айнан бир турини танлаган ҳолда, харажатларни қоплаш учун субсидия ажратиш бўйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив давлат хизматлари портали орқали электрон ариза билан мурожаат қилиши мумкин.

Аризада устанинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, сўралаётган субсидия тури, «Хунарманд» уюшмасига аъзолиги ва тадбиркор сифатида давлат рўйхатидан ўтганлиги, банк реквизитлари кўрсатилади, шунингдек, электрон дастурий таъминот ишлаб чиқарувчи юридик шахс (кейинги ўринларда – дастурчи) билан тузилган шартнома нусхаси илова қилинади.

Аризада қайд этилган ва илова қилинган ҳужжатлардаги маълумотлар ҳаққонийлиги учун уста жавобгар ҳисобланади.

Ҳоким ёрдамчиси уч иш кунда:

а) «Онлайн маҳалла» электрон платформаси орқали қуйидаги маълумотларни ўрганади:

- устани ҳақиқатда «Хунарманд» уюшмасига аъзолигини ва тадбиркор сифатида давлат рўйхатидан ўтганлигини;
- дастурчининг солиқ хизмати органларида рўйхатдан ўтганлигини;
- сўралаётган субсидия туридан муқаддам фойдаланмаганлигини;

б) ўрганиш натижалари бўйича далолатнома расмийлаштиради ва далолатномада қуйидагилар акс эттирилади:

- устанинг ҳақиқатда «Хунарманд» уюшмасига аъзолиги ва тадбиркор сифатида давлат рўйхатидан ўтганлиги;
- интернет сайтларини ташкил этиши, ўз маҳсулотларини жаҳон электрон савдо майдончаларига чиқариши ёки рекламанинг айнан бир тури бўйича дастурчи билан тузилган шартноманинг мавжудлиги;
- сўралаётган субсидия туридан муқаддам фойдаланмаганлиги;

в) «Онлайн маҳалла» электрон платформаси орқали қуйидаги маълумотларни маҳаллий меҳнат органига юборади:

- тавсия (тавсияда акс эттирилади: устани ҳақиқатда «Хунарманд» уюшмасига аъзолиги ва тадбиркор сифатида давлат рўйхатидан ўтганлиги, дастурчининг солиқ хизмати органларида рўйхатдан ўтганлиги, сўралаётган субсидия туридан муқаддам фойдаланмаганлиги);
- субсидия олиш бўйича устанинг аризаси ва унга илова қилинган ҳужжатлар;
- ўрганиш натижалари бўйича расмийлаштирилган далолатнома.

Тавсия ва далолатномада кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

Жамғарма маблағлари ҳисобидан хунармандларнинг «Хунарманд» уюшмасига аъзолик бадали харажатларини қоплаш учун субсидия ажратиш тартиби


Хунармандлар ўзларининг «Хунарманд» уюшмасига аъзолик бадали харажатларини қоплаш учун субсидия ажратиш бўйича тавсия беришни сўраб ўзининг доимий яшаш манзилидаги ҳоким ёрдамчисига ёзма, «Онлайн маҳалла» электрон платформаси ёки Ягона интерактив

давлат хизматлари портали орқали электрон шаклда ариза билан муурожаат қилиши мумкин.

Аризада ҳунарманднинг фамилияси, исми ва отасининг исми, доимий яшаш манзили, паспорт (ID-карта) серияси ва рақами, тадбиркор сифатида давлат рўйхатидан ўтганлиги, «Ҳунарманд» уюшмасига аъзолик бадали харажатларини қоплаш учун тўлаши лозим бўлган ҳисобварақ ва сўралаётган субсидия миқдори кўрсатилади, шунингдек, «Ҳунарманд» уюшмасининг бадий кенгаши қарори нусхаси илова қилинади.

Аризада қайд этилган ва илова қилинган ҳужжатлардаги маълумотлар ҳаққонийлиги учун ҳунарманд жавобгар ҳисобланади.

Ҳоким ёрдамчиси уч иш кунда:



- ☒ а) «Онлайн маҳалла» электрон платформаси орқали ҳунарманд сўралаётган субсидия туридан муқаддам фойдаланмаганлигини ўрганади;
- ☒ б) ўрганиш натижалари ҳунарманднинг аризаси ва унга илова қилинган ҳужжатларни ҳамда тавсияни «Онлайн маҳалла» электрон платформаси орқали маҳаллий меҳнат органига юборади.

Бунда тавсияда ҳунарманднинг тадбиркор сифатида давлат рўйхатидан ўтганлиги ва сўралаётган субсидия туридан муқаддам фойдаланмаганлиги тўғрисидаги маълумотлар кўрсатилиши керак.

Тавсияда кўрсатилган маълумотларнинг ҳаққонийлиги учун ҳоким ёрдамчиси жавобгар ҳисобланади.

Ҳунармандчилик фаолиятини қўллаб-қувватлаш учун субсидиялар ажратиш СХЕМАСИ

1-қадам

Талабгор тавсия беришни сўраб ўзининг доимий яшаш манзилидаги ҳоким ёрдамчисига ёки «Онлайн маҳалла» электрон платформаси ёхуд Ягона интерактив давлат хизматлари портали орқали мурожаат қилади;

2-қадам

Ҳоким ёрдамчиси талабгорнинг маълумотларини ўрганади, ўрганиш натижалари бўйича далолатнома расмийлаштиради ҳамда тавсияни ва ўрганиш натижалари бўйича расмийлаштирилган далолатномани «Онлайн маҳалла» электрон платформаси орқали маҳаллий меҳнат органига юборади;

3-қадам

Маҳаллий меҳнат органи ҳоким ёрдамчиси томонидан юборилган ҳужжатларни ўрганиб чиқади, субсидия ажратиш тўғрисида буйруқ қабул қилади ҳамда субсидияни талабгорнинг банкдаги ҳисобварағига ўтказиб беради.

Жами муддат: 5 иш куни

МАҲАЛЛАЛАРДА КАСАНАЧИЛИКНИ ТАШКИЛ ЭТГАН ТАДБИРКОРЛИК СУБЪЕКТЛАРИГА СУБСИДИЯЛАР АЖРАТИШ

■ Мурожаат қилиш тартиби

Талабгор касаначиликни ташкил этганидан сўнг субсидия олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчисининг тавсияси асосида тегишли маҳаллий меҳнат органига ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида касаначининг фамилияси, исми, отасининг исми, талабгорнинг субсидия тўлаб берилиши лозим бўлган ҳисобварағи (реквизитлари) ва манзили кўрсатилади, шунингдек, мурожаатга касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси, касаначининг дастлабки уч ой давомидаги даромади миқдори тўғрисидаги маълумотнома (ёки касаначининг дастлабки уч ой давомидаги фаолияти учун тўловлар банк орқали тўланганлигини тасдиқловчи маълумотнома) илова қилинади.

■ Субсидия ажратиш тартиби ва шартлари

Маҳаллий меҳнат органи талабгор томонидан субсидия олишни сўраб тақдим этилган ҳужжатларни 3 иш куни ичида ўрганиб чиқади. Бунда субсидия бериш учун талабгор ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси Ўзбекистон Республикаси Вазирлар Маҳкамаси

ҳузуридаги Солиқ қўмитасининг Ягона электрон шартномалар ахборот порталида (кейинги ўринларда – Ягона электрон шартномалар ахборот портали) рўйхатдан ўтказилганлиги ҳамда расмийлаштирилганлигига камида 3 ой ўтганлиги асос ҳисобланади.

Талабгор томонидан ҳужжатлар тўлиқ тақдим этилиб, унда барча зарур маълумотлар кўрсатилганлиги, касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси расмийлаштирилганлигига камида уч ой ўтганлиги, Ягона электрон шартномалар ахборот порталида рўйхатдан ўтказилганлиги ҳамда касаначининг дастлабки уч ой давомидаги даромади миқдори ҳаққонийлиги тасдиқланганда, маҳаллий меҳнат органи талабгорга касаначиликни ташкил этганлиги учун субсидия ажратиш (ёки ажратишни рад этиш) тўғрисида қарор қабул қилади. Қарорда субсидия миқдори ва уни ажратиш муддати (муружаат тушгандан сўнг 3 иш кунидан ошмаган муддатда) кўрсатилиши лозим.

Бунда маҳаллий меҳнат органи томонидан касаначининг дастлабки уч ой давомидаги даромади миқдорининг ҳаққонийлиги туман (шаҳар) солиқ инспекциясидан маълумот олиш йўли билан ёки «Ягона миллий меҳнат тизими» идоралараро дастурий-аппарат комплекси орқали текширилади.

Субсидия ажратиш қуйидагиларга қўра рад этилади:

-  тақдим қилиниши лозим бўлган маълумотлар тўлиқ тақдим этилмаганда;
-  касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилмаганда;
-  касаначининг дастлабки уч ой давомидаги даромади миқдори тўғрисидаги маълумотнинг ҳаққонийлиги тасдиқланмаса.

Маҳаллий меҳнат органи субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги қароридан норози бўлса, юқори турувчи органга ёки суд органларига шикоят қилиши мумкин.

Касаначиликни ташкил этган талабгорга маҳаллий меҳнат органининг субсидия ажратиш тўғрисидаги қарори қабул қилингандан сўнг беш иш куни ичида ҳар бир касаначининг дастлабки уч ой давомидаги касаначилик фаолияти учун бир ойлик ўртача даромади миқдорида бир марталик субсидия ажратилади.

Маҳаллаларда касаначиликни ташкил этган тадбиркорлик субъектларига субсидия ажратиш СХЕМАСИ

1-қадам

Маҳаллаларда касаначиликни ташкил этганлиги учун субсидия олиш мақсадида тадбиркорлик субъекти (талабгор) туман (шаҳар) Камбағалликни қисқартириш ва бандликка кўмаклашиш бўлимига мурожаат қилади;

2-қадам

туман (шаҳар) Камбағалликни қисқартириш ва бандликка кўмаклашиш бўлими субсидия ажратиш ёки субсидия ажратишни рад этиш тўғрисида буйруқ қабул қилади.

Ўрганиш натижаларига кўра субсидия ажратишни рад этиш тўғрисида буйруқ қабул қилинган тақдирда, талабгорга ушбу буйруқ нусхасини юборади;

3-қадам

Субсидия ажратиш тўғрисида қарор қабул қилингандан сўнг талабгорга ҳар бир касаначилик фаолияти учун бир ойлик ўртача даромади миқдорида бир марталик субсидия ажратади;

Жами муддат: 9 иш куни

Тадбиркорлик субъектларига касаначилик билан шуғулланаётган ишсиз ва иш қидираётган, шунингдек, «темир дафтар», «аёллар дафтари», «ёшлар дафтари» ёки «ижтимоий ҳимоя ягона реестри»га киритилган фуқароларга асбоб-ускуналар ва хом ашё харид қилиш бўйича харажатларини қоплаш учун субсидия ажратиш

Субсидия ажратиш тартиби ва шартлари

Талабгор касаначиликни ташкил этганидан сўнг субсидия олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчиларининг тавсияси асосида тегишли маҳаллий меҳнат органига ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида касаначининг фамилияси, исми, отасининг исми, талабгорнинг субсидия тўлаб берилиши лозим бўлган ҳисобварағи (реквизитлари) ва манзили кўрсатилиши, шунингдек, мурожаатга касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси илова қилиниши шарт.

Бунда талабгор мурожаатда касаначига буюртма берилаётган иш турига қараб, субсидия ҳисобидан харид қилинадиган асбоб-ускуналар ва хом ашё номи ва тури, аниқ харид нархини кўрсатиши лозим.

Маҳаллий меҳнат органи талабгорнинг мурожаатини илова қилинган тегишли ҳужжатлар билан бирга 3 иш куни ичида ўрганиб чиқади.

Бунда субсидия бериш учун талабгор ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ўзбекистон Республикаси Вазирлар Маҳкамаси ҳузуридаги Солиқ қўмитасининг Ягона электрон шартномалар ахборот порталида (кейинги ўринларда – Ягона электрон шартномалар ахборот

портали) рўйхатдан ўтказилганлиги, шунингдек, касаначилик билан шуғулланаётган ишсиз ва иш қидираётган фуқаролар, «Темир дафтар», «Аёллар дафтари», «Ёшлар дафтари»га киритилганлиги ёки «Ижтимоий ҳимоя ягона реестри»да турганлиги асос ҳисобланади.

Маҳаллий меҳнат органи томонидан талабгорнинг харид қиладиган асбоб-ускуналар ва хом ашё нархи давлат харидларининг электрон тизими ёки бошқа очиқ манбаларнинг маълумотларидан фойдаланиш орқали ўрганилиши мумкин. Ўрганиш натижаларига мувофиқ асбоб-ускуналар ва хом ашёнинг нарҳини талабгор томонидан бозордаги ушбу асбоб-ускуналар ёки хом ашёнинг ўртача нархи қийматига тенг (ёки ундан юқори) белгиланганлиги маҳаллий меҳнат органи харид комиссияси қарори билан тасдиқланади.

Талабгор томонидан ҳужжатлар тўлиқ тақдим этилиб, унда барча зарур маълумотлар кўрсатилган ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилганлиги, касаначилик билан шуғулланаётган ишсиз ва иш қидираётган фуқаролар, «Темир дафтар», «Аёллар дафтари», «Ёшлар дафтари»га киритилганлиги ёки «Ижтимоий ҳимоя ягона реестри»да турганлиги тасдиқланганда маҳаллий меҳнат органи ва талабгор ўртасида ижтимоий контракт тузилади.

Ижтимоий контракт тузилгандан сўнг касаначига буюртма берилаётган иш турига қараб, асбоб-ускуна ва хом ашёни харид қилиш харажатларини қоплаш учун маҳаллий меҳнат органи томонидан талабгорга субсидия ажратиш (ёки ажратишни рад этиш) тўғрисида уч иш куни ичида қарор қабул қилинади. Қарорда субсидия миқдори ва уни ажратиш муддати (мурожаат тушгандан сўнг 3 иш кунидан ошмаган муддатда) кўрсатилиши лозим.

Маҳаллий меҳнат органининг субсидия ажратиш тўғрисидаги қарори қабул қилингандан сўнг беш иш куни ичида талабгорга ҳар бир касаначига асбоб-ускуналар ва хом ашё харид қилиш бўйича харажатларини қоплаш учун, бироқ базавий ҳисоблаш миқдорининг 30 бараваригача миқдорида субсидия ажратилади.

Субсидия ажратилгандан сўнг 10 кун ичида талабгор ҳар бир касаначи учун асбоб-ускуналар ва хом ашё харид қилинганлиги, касаначига бепул берилганлиги ҳамда асбоб-ускуналар ва хом ашёнинг хусусиятидан келиб чиқиб, номи, тури, маркаси, кафолат муддатини кўрсатган ҳолда ижтимоий контракт тузилган маҳаллий меҳнат органини ёзма равишда хабардор қилиши шарт.

Субсидия ажратиш қўйидагиларга кўра рад этилади:

- ☒ ҳужжатлар (касаначининг фамилияси, исми, отасининг исми, талабгорнинг субсидия тўлаб берилиши лозим бўлган ҳисобварағи ва манзили кўрсатилган мурожаати, шунингдек, касаначи билан тузилган меҳнат шартномаси ёки ишларни бажариш ҳақидаги фуқаролик-ҳуқуқий тусдаги шартнома ёки пудрат шартномаси) талабгор томонидан тўлиқ тақдим этилмаганда;
- ☒ касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилмаганда;
- ☒ касаначилик билан шуғулланаётган ишсиз ва иш қидираётган фуқаролар, «Темир дафтар», «Аёллар дафтари», «Ёшлар дафтари» ёки «Ижтимоий ҳимоя ягона реестри»га киритилмаганлиги тасдиқланганда;
- ☒ харид қилинадиган асбоб-ускуна ва хом ашёнинг нархи қасддан юқори қилиб кўрсатилганлиги аниқланса.

Маҳаллий меҳнат органи субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги қароридан норози бўлса, юқори турувчи органга ёки суд органларига шикоят қилиши мумкин.

Касаначининг фаолияти самарадорлигини мониторинг қилиш ва фойдаланилмаётган асбоб-ускуналар ҳамда хом ашёга ажратилган субсидияни қайтариб олиш

Маҳаллий меҳнат органи ҳамда ҳоким ёрдамчиси ажратилган субсидия ҳисобидан харид қилинган асбоб-ускуна асосида ишлаётган касаначининг фаолияти самарадорлигини бир ойда бир мартаба олти ой давомида мониторинг қилиб боради.

Ўтказилган мониторинг натижаларига кўра ижтимоий контрактда белгиланган мажбуриятлар бажарилмаганлиги ҳамда субсидия асосида харид қилинган асбоб-ускуналар ва хом ашёдан фойдаланилмаётганлиги аниқланса, маҳаллий меҳнат органи томонидан тегишли далолатнома расмийлаштирилади ва ушбу камчиликларни бартараф этиш бўйича субсидия ажратилган талабгорга хабарнома юборилади.

Субсидия ажратилган талабгор хабарнома олинган кундан эътиборан бир ой ичида кўрсатилган камчиликларни бартараф этиш чораларини кўради ва амалга оширилган ишлар юзасидан маҳаллий меҳнат органига хабарнома юборади.

Хабарнома тушган кундан эътиборан уч иш куни ичида (ёки аниқланган камчиликларни бартараф этиш чораларини кўриш учун бир ой муддатдан сўнг) маҳаллий меҳнат органи ва ҳоким ёрдамчиси субсидия ҳисобидан харид қилинган асбоб-ускуна ва хом ашё билан фаолият юритаётган касаначилар фаолиятининг самарадорлигини қайта мониторинг қилади.

Ўтказилган мониторинг натижаларига кўра дастлабки мониторингда кўрсатилган камчиликлар бартараф этилмаганлиги аниқланса, маҳаллий меҳнат органи субсидия ажратилган талабгордан ажратилган субсидияни қайтариш бўйича қарор қабул қилади, ижтимоий контрактни бир томонлама бекор қилади ва субсидия ажратилган талабгорга хабарнома юборади.

Хабарномада субсидия ажратилган талабгор томонидан ажратилган субсидияни қайтариш учун маҳаллий меҳнат органига тегишли бўлган банк реквизитлари кўрсатилиши лозим.

Субсидия ажратилган талабгор хабарнома тушган кундан эътиборан беш иш куни ичида ажратилган субсидияни хабарномада кўрсатилган маҳаллий меҳнат органига тегишли бўлган банк реквизитларига (Ўзбекистон Республикаси Марказий банкининг асосий ставкасида фоиз тўловлари билан бирга) тўлиқ миқдорда қайтариши шарт.

Тадбиркорлик субъектларига касаначилик билан шуғулланаётган ишсиз ва иш қидираётган, шунингдек, «Темир дафтар», «Аёллар дафтари», «Ёшлар дафтари» ёки «Ижтимоий ҳимоя ягона реестри»га киритилган фуқароларга асбоб-ускуналар ва хом ашё харид қилиш учун субсидия ажратиш СХЕМАСИ

1-қадам

тадбиркорлик субъекти (талабгор) туман (шаҳар) Камбағалликни қисқартириш ва бандликка кўмаклашиш бўлимига мурожаат қилади;

2-қадам

туман (шаҳар) Камбағалликни қисқартириш ва бандликка кўмаклашиш бўлими тақдим этилган ҳужжатларни ўрганиб чиқиб, субсидия ажратиш ёки субсидия ажратишни рад этиш тўғрисида қарор қабул қилади;

Ўрганиш натижаларига кўра субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини юборади.

3-қадам

туман (шаҳар) Камбағалликни қисқартириш ва бандликка кўмаклашиш бўлими талабгорга ҳар бир касаначига асбоб-ускуналар ва хом ашё харид қилиш бўйича харажатларини қоплаш учун, бироқ базавий ҳисоблаш миқдорининг 30 барабаригача миқдориди субсидия ажратади.

Жами муддат: 8 иш куни

Давлат ва нодавлат таълим ташкилотларида давлат буюртмаси асосида касаначилик фаолияти билан шуғулланиш истагини билдирган ишсиз ва банд бўлмаган фуқароларни касбга ўқитиш тартиби

Давлат буюртмасини шакллантириш

Туман (шаҳар) ҳокимликлари туман (шаҳар) Камбағалликни қисқартириш ва бандликка кўмаклашиш бўлимлари билан биргаликда келгуси йил учун жорий йилнинг 10 декабрига қадар:

-  ҳудудларда фаолият юритаётган давлат ва нодавлат ташкилотларининг касаначилик йўналишларида малакали кадрларга бўлган талаб ва эҳтиёжларини ўрганади;
-  касбга ўқитишга эҳтиёжи бўлган фуқароларнинг касаначилик фаолияти йўналишлари асосида касблар бўйича давлат буюртмасини ишлаб чиқади;
-  ишлаб чиқилган давлат буюртмасини тасдиқлаш учун Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг Касбий малака ва билимларни ривожлантириш бўйича ҳудудий кенгашларига (кейинги ўринларда – ҳудудий кенгашлар) тақдим этади.

Ҳудудий кенгашлар тақдим этилган давлат буюртмаларини умумлаштириб, таҳлил қилади ва беш кун ичида тасдиқлайди.

Давлат буюртмасига тегишли ўзгартириш ва қўшимчалар ҳудудий кенгашлар томонидан киритилади.

Давлат буюртмаси асосида касаначиларни касбга ўқитишга йўналтириш

Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари:

- ☒ Ўзбекистон Республикаси Камбағалликни қисқартириш ва бандлик вазирлиги тизимидаги «Ишга марҳамат» мономарказлари, касб-хунарга ўқитиш марказлари ҳамда маҳаллаларда ташкил этилган касбга ўқитиш масканлари, вазирлик ва идоралар тизимидаги профессионал таълим ташкилотларида ташкил этилган қисқа муддатли касб-хунарга ўқитиш курслари, нодавлат касб-хунарга ўқитиш ташкилотларининг йиллик ўқитиш эҳтиёжларидан келиб чиққан ҳолда ўқитиш тақсимотини ишлаб чиқади;
- ☒ ўқитиш тақсимотига асосан давлат ва нодавлат таълим ташкилотларида касаначиларни касаначилик йўналишида касбга ўқитиш ишларини ташкил этади;
- ☒ касбга ўқитиш жараёнларини мониторинг қилиб боради;
- ☒ касбга ўқитилган касаначиларни касаначилик фаолияти йўналишлари бўйича уларнинг касбий малака даражасини баҳолаш учун малакани баҳолаш марказларига юборади.

Давлат буюртмаси асосида касаначилик йўналишида касбга ўқитилган касаначиларнинг малака даражасини баҳолаш

Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари давлат буюртмаси асосида давлат ва нодавлат таълим ташкилотларида касбга ўқиган касаначиларнинг малака даражасини баҳолаш учун уларнинг

малакани баҳолаш марказларига, шу жумладан, «Ишга марҳамат» мономарказларида ташкил этилган малакани баҳолаш марказларига юборилишига қўмаклашади.

Бунда давлат ва нодавлат таълим ташкилотларида касбга ўқитилган касаначилар малака даражасини баҳолатиш учун ўзлари ихтиёрий равишда мурожаат қилиши мумкин.

Туман (шаҳар) Камбағалликни қисқартириш ва бандликка қўмаклашиш бўлимлари давлат буюртмаси асосида давлат ва нодавлат таълим ташкилотларида касбга ўқитилган касаначиларни малака даражасини баҳолаш учун малакани баҳолаш марказларига юборди ҳамда малака имтиҳонларини ташкил этиш билан боғлиқ харажатларни банд бўлмаган ҳар бир шахс учун базавий ҳисоблаш миқдорининг 4 бараваридан ортиқ бўлмаган миқдорда Хунармандчилик ва касаначиликни қўллаб-қувватлаш жамғармаси маблағлари ҳисобидан қоплаб беради.

Тадбиркорлик субъектларига касаначилик ёки ҳунармандчилик асосида уй шароитида ишлаётган ногиронлиги бўлган шахсларнинг иш жойини мослаштириш ҳамда мослаштирилаётган ҳар бир иш жойи харажатларини қоплаш учун субсидия ажратиш

Субсидия ажратиш тартиби ва шартлари

Талабгор ногиронлиги бўлган шахснинг иш жойини мослаштирган-дан сўнг субсидия олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчиларининг (кейинги ўринларда – ҳоким ёрдамчиси) тавсияси асосида тегишли маҳаллий меҳнат органига ёзма равишда ёки Ўзбекистон Республикаси **Ягона интерактив давлат хизматлари портали орқали мурожаат қилади.**

Талабгорнинг мурожаатида ногиронлиги бўлган шахснинг фамилияси, исми, отасининг исми, иш жойларини мослаштириш учун сарфланган харажатларнинг асосли ҳисоб-китоби тўғрисидаги маълумот, талабгорнинг субсидия тўлаб берилиши лозим бўлган ҳисобварағи (реквизитлари) ва манзили кўрсатилиши, шунингдек, мурожаатга ногиронлиги бўлган шахс билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси ёки якка тартибдаги тадбиркор сифатида давлат рўйхатидан ўтганлиги, **«Ҳунарманд» уюшмасига аъзолиги тўғрисидаги гувоҳнома нусхаси илова қилиниши шарт.**

Маҳаллий меҳнат органи талабгорнинг мурожаатини илова қилинган тегишли ҳужжатлар (ногиронлиги бўлган шахс билан тузилган меҳнат шартномаси ёки ишларни бажариш ҳақидаги фуқаролик-ҳуқуқий тусдаги шартнома ёхуд пудрат шартномаси, ёки якка тартибдаги тадбиркор сифатида давлат рўйхатидан ўтганлиги, «Ҳунарманд» уюшмасига аъзолиги тўғрисидаги гувоҳнома нусхаси) билан бирга 3 иш куни ичида ўрганиб чиқади.

Бунда Ўзбекистон Республикаси Вазирлар Маҳкамаси ҳузуридаги Солиқ қўмитасининг ахборот тизимларида субсидия бериш учун талабгор ва ногиронлиги бўлган шахс билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси рўйхатдан ўтказилганлиги ёки якка тартибдаги тадбиркор сифатида давлат рўйхатидан ўтганлиги ҳамда иш жойини ногиронлиги бўлган шахсга мослаштириш учун сарфланган харажатларнинг асосли ҳисоб-китоби тўғрисидаги маълумот илова қилинади.

Маҳаллий меҳнат органи томонидан ўрганиш натижаларига кўра мурожаатда кўрсатилган маълумотлар тўғри ва асосли деб топилганда, талабгорга ногиронлиги бўлган шахснинг иш жойини мослаштириш харажатларини қоплаш учун мослаштирилаётган ҳар бир иш жойи бўйича базавий ҳисоблаш миқдорининг **40 бараваригача** миқдорда субсидия ажратиш (ёки ажратишни рад этиш) тўғрисида уч иш куни ичида қарор қабул қилинади. Қарорда субсидия миқдори кўрсатилиши лозим.

Маҳаллий меҳнат органининг субсидия ажратиш тўғрисидаги қарори қабул қилингандан сўнг беш иш куни ичида талабгорга ҳар бир иш жойи бўйича базавий ҳисоблаш миқдорининг **40 бараваригача миқдорда субсидия ажратилади.**

Субсидия ажратиш қуйидагиларга кўра рад этилади:

-  ҳужжатлар (ногиронлиги бўлган шахснинг фамилияси, исми, отасининг исми, иш жойларини мослаштириш учун сарфланган харажатларнинг асосли ҳисоб-китоби тўғрисидаги маълумот, талабгорнинг субсидия тўлаб берилиши лозим бўлган ҳисобварағи (реквизитлари) ва манзили кўрсатилган мурожаати, шунингдек ногиронлиги бўлган шахс билан тузилган меҳнат шартномаси ёки ишларни бажариш ҳақидаги фуқаролик-ҳуқуқий тусдаги шартнома ёхуд пудрат шартномаси, ёки якка тартибдаги тадбиркор сифатида давлат рўйхатидан ўтганлиги, «Хунарманд» уюшмасига аъзолиги

тўғрисидаги гувоҳнома нусхаси) талабгор томонидан тўлиқ тақдим этилмаганда;

-  ногиронлиги бўлган шахс билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси, шунингдек, якка тартибдаги тадбиркор сифатида давлат рўйхатидан ўтганлиги тўғрисидаги маълумот Солиқ қўмитасининг ахборот тизимларида мавжуд бўлмаганда;
-  ногиронлиги бўлган шахснинг иш жойини мослаштириш тўғрисидаги маълумотлар ўз тасдиғини топмаса.

Маҳаллий меҳнат органи субсидия ажратишни рад этиш тўғрисида қарор қабул қилган тақдирда, талабгорга ушбу қарор нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги қароридан норози бўлса, юқори турувчи органга ёки суд органларига шикоят қилиши мумкин.

Касаначилик ва ҳунармандчилик фаолияти самарадорлигини мониторинг қилиш ҳамда ногиронлиги бўлган шахсларнинг иш жойини мослаштириш учун ажратилган субсидияларни қайтариб олиш тартиби

Ҳоким ёрдамчиси:

-  ажратилган субсидия ҳисобидан касаначилик асосида уй шароитида ишлаётган ногиронлиги бўлган шахснинг иш жойи мослаштирилганлиги ҳамда талабгор ва касаначи ўртасида тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартномага асосан фаолият олиб бораётганлигини;

 ажратилган субсидия ҳисобидан ҳунармандчилик асосида уй шароитида ишлаётган ногиронлиги бўлган шахснинг иш жойи мослаштирилганлиги ҳамда яқка тартибда тадбиркор сифатида фаолият олиб бораётганлигини олти ой давомида мониторинг қилади.

Ўтказилган мониторинг натижаларига кўра талабгор томонидан белгиланган мажбуриятлар бажарилмаганлиги аниқланса, ҳоким ёрдамчиси томонидан тегишли далолатнома расмийлаштирилади ва ушбу камчиликларни бартараф этиш бўйича субсидия ажратилган талабгорга хабарнома юборилади.

Субсидия ажратилган талабгор хабарномани олган кундан эътиборан бир ой ичида кўрсатилган камчиликларни бартараф этиш чораларини кўради ва амалга оширилган ишлар юзасидан маҳаллий меҳнат органига хабарнома юборади.

Маҳаллий меҳнат органига хабарнома келиб тушган кундан эътиборан уч иш куни ичида (ёки аниқланган камчиликларни бартараф этиш чораларини кўриш учун бир ой муддатдан сўнг) ҳоким ёрдамчиси томонидан қайта мониторинг ўтказилади.

Ўтказилган мониторинг натижаларига кўра дастлабки мониторингда кўрсатилган камчиликлар бартараф этилмаганлиги аниқланса, маҳаллий меҳнат органи талабгордан субсидияни қайтариш юзасидан қарор қабул қилади ва субсидия ажратилган талабгорга хабарнома юборади.

Хабарномада субсидия ажратилган талабгор томонидан субсидияни қайтариш учун маҳаллий меҳнат органига тегишли бўлган банк реквизитлари кўрсатилиши лозим.

Субсидия ажратилган талабгор хабарнома тушган кундан эътиборан беш иш куни ичида ажратилган субсидияни хабарномада кўрсатилган маҳаллий меҳнат органига тегишли бўлган банк реквизитларига (Ўзбекистон Республикаси Марказий банкининг асосий ставкасида фоиз тўловлари билан бирга) тўлиқ миқдорда қайтариши шарт.

**Тадбиркорлик субъектларига касаначилик ёки
хунармандчилик асосида уй шароитида ишлаётган
ногиронлиги бўлган шахсларнинг иш жойини
мослаштириш ҳамда ҳар бир мослаштирилаётган иш
жойи харажатларини қоплаш учун субсидия ажратиш
СХЕМАСИ**

1-қадам

Касаначилик ёки хунармандчилик асосида уй шароитида ишлаётган ногиронлиги бўлган шахсларнинг иш жойини мослаштиргандан сўнг субсидия олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчиларининг (ҳоким ёрдамчиси) тавсияси асосида туман (шаҳар) Камбағалликни қисқартириш ва бандликка кўмаклашиш бўлимига талабгор (тадбиркорлик субъекти) ёзма равишда мурожаат қилади;

2-қадам

туман (шаҳар) Камбағалликни қисқартириш ва бандликка кўмаклашиш бўлими тақдим этилган ҳужжатларни ўрганиб чиқиб, субсидия ажратиш ёки субсидия ажратишни рад этиш тўғрисида қарор қабул қилади.

Ўрганиш натижаларига кўра субсидия ажратишни рад этиш тўғрисида қарор қабул қилинган тақдирда, талабгорга ушбу қарор нусхасини юборади;

3-қадам

туман (шаҳар) Камбағалликни қисқартириш ва бандликка кўмаклашиш бўлими талабгорга ногиронлиги бўлган шахснинг иш жойини мослаштириш харажатларини қоплаш учун мослаштирилаётган ҳар бир иш жойи бўйича базавий ҳисоблаш миқдорининг 40 бараваригача миқдорда субсидия ажратади.

Жами муддат: 8 иш куни

Касаначиларни касб-ҳунарга ўқитишга сарфланадиган харажатларни қоплаш учун субсидия ажратиш

Субсидия ажратиш тартиби ва шартлари

Талабгор (тадбиркорлик субъекти) касаначиларни касбга ўқитиш, қайта ўқитиш, уларнинг малакасини ошириш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчиларининг тавсияси асосида тегишли маҳаллий меҳнат органига ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида касаначининг фамилияси, исми, отасининг исми, субсидия тўлаб берилиши лозим бўлган ҳисобварағи (реквизитлари), касбга тайёрлаш, қайта тайёрлаш, шунингдек, малака ошириш жойи, ўқиш муддати, ўқитиладиган касб йўналиши номи кўрсатилиши, мурожаатга касаначи билан тузилган фуқаролик-ҳуқуқий тусдаги меҳнат шартномаси ёки пудрат шартномаси илова қилиниши шарт.

Бунда талабгор мурожаатда касб-ҳунарга ўқитишга сарфланадиган харажат миқдорини кўрсатиши лозим.

Маҳаллий меҳнат органи талабгорнинг мурожаатини илова қилинган тегишли ҳужжатлар билан бирга **3 иш кuni ичида ўрганиб чиқади.**

Бунда субсидия бериш учун талабгор ва касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ўзбекистон Республикаси Вазирлар Маҳкамаси ҳузуридаги Солиқ қўмитасининг Ягона электрон шартномалар ахборот порталида рўйхатдан ўтказилганлиги асос ҳисобланади.

Маҳаллий меҳнат органи томонидан ўрганиш натижаларига кўра мурожаатда кўрсатилган маълумотлар тўғри ва тўлиқ, барча ҳужжатлар тақдим этилган ҳамда ёлғон маълумотлар кўрсатилмаган деб топилганда, мурожаат қилган талабгорга ҳар бир касаначига касб-ҳунарга ўқитишга

сарфланадиган харажатларини уч ойгача бўлган муддатда қоплаш учун, бироқ ҳар бир касаначи учун ҳар ойда базавий ҳисоблаш миқдорининг **2 бараваригача миқдорда субсидия ажратиш тўғрисида уч иш куни ичида буйруқ қабул қилинади.**

Субсидия ажратиш қуйидагиларга кўра рад этилади:

-  ҳужжатлар (касаначининг фамилияси, исми, отасининг исми, субсидия тўлаб берилиши лозим бўлган ҳисобварағи (реквизитлари), касбга тайёрлаш, қайта тайёрлаш, шунингдек, малака ошириш жойи, ўқиш муддати, ўқитиладиган касб йўналиши номи кўрсатилган мурожаати, шунингдек касаначи билан тузилган фуқаролик-ҳуқуқий тусдаги меҳнат шартномаси ёки пудрат шартномаси) талабгор томонидан тўлиқ тақдим этилмаганда;
-  касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ягона электрон шартномалар ахборот порталида рўйхатдан ўтказилмаганда.

Маҳаллий меҳнат органи субсидия ажратишни рад этиш тўғрисида буйруқ қабул қилинган тақдирда, талабгорга ушбу буйруқ нусхасини бир кун муддатда юборади.

Талабгор маҳаллий меҳнат органининг субсидия ажратишни рад этиш тўғрисидаги буйруғидан норози бўлса, юқори турувчи органга ёки суд органларига шикоят қилиши мумкин.

Талабгор касбга тайёрлаш, қайта тайёрлаш, шунингдек, малака оширган касаначининг ўқиш якунланган кундан бошлаб 5 иш куни ичида ушбу касаначининг ўқишни якунлаганлигини тасдиқловчи ҳужжат нусхасини маҳаллий меҳнат органига тақдим этиши шарт.

Касаначини касб-хунарга ўқитиш самарадорлигини мониторинг қилиш ва касб-хунарга ўқитиш учун ажратилган субсидияларни қайтариб олиш

Маҳаллий меҳнат органи ҳамда ҳоким ёрдамчиси ажратилган субсидия ҳисобидан касаначиларнинг касб-хунарга ўрганаётганлигини жойига чиққан ҳолда мониторинг қилади.

Ўтказилган мониторинг натижаларига кўра талабгор томонидан белгиланган мажбуриятлар бажарилмаганлиги ҳамда касаначи касб-хунарга ўрганаётганлиги аниқланса, маҳаллий меҳнат органи ходими ва ҳоким ёрдамчиси томонидан тегишли далолатнома расмийлаштирилади ва ушбу камчиликларни бартараф этиш бўйича субсидия ажратилган талабгорга хабарнома юборилади.

Талабгор хабарнома олинган кундан эътиборан ўн беш кун ичида кўрсатилган камчиликларни бартараф этиш чораларини кўради ва амалга оширилган ишлар юзасидан маҳаллий меҳнат органига хабарнома юборади.

Хабарнома келиб тушган кундан эътиборан уч иш куни ичида (ёки аниқланган камчиликларни бартараф этиш чораларини кўриш учун ўн беш кун муддатдан сўнг) маҳаллий меҳнат органи ва ҳоким ёрдамчиси касб-хунарга ўқитишни қайта мониторинг қилади.

Ўтказилган мониторинг натижаларига кўра дастлабки мониторингда кўрсатилган камчиликлар бартараф этилмаганлиги аниқланса, маҳаллий меҳнат органи талабгорга ажратилган субсидияни қайтариш бўйича қарор қабул қилади ва унга хабарнома юборади.

Хабарномада талабгор томонидан ажратилган субсидияни қайтариш учун маҳаллий меҳнат органига тегишли бўлган банк реквизитлари кўрсатилиши лозим.

Талабгор хабарнома тушган кундан эътиборан беш иш куни ичида ажратилган субсидияни хабарномада кўрсатилган маҳаллий меҳнат органига тегишли бўлган банк реквизитларига (Ўзбекистон Республикаси Марказий банкининг асосий ставкасида фоиз тўловлари билан бирга) тўлиқ миқдорда қайтариши шарт.

Маҳаллаларда касаначиликни ташкил этган тадбиркорлик субъектларига субсидия ажратиш СХЕМАСИ

1-қадам

тадбиркорлик субъекти (талабгор) ҳоким ёрдамчисининг тавсияси асосида тегишли маҳаллий меҳнат органига мурожаат қилади;

2-қадам

туман (шаҳар) Камбағалликни қисқартириш ва бандликка кўмаклашиш бўлими тақдим этилган ҳужжатларни ўрганиб чиқиб, субсидия ажратиш ёки субсидия ажратишни рад этиш тўғрисида қарор қабул қилади.

Ўрганиш натижаларига кўра субсидия ажратишни рад этиш тўғрисида буйруқ қабул қилинган тақдирда, талабгорга ушбу буйруқ нусхасини 1 кун муддатда юборади;

3-қадам

туман (шаҳар) Камбағалликни қисқартириш ва бандликка кўмаклашиш бўлими талабгорга ҳар бир касаначини касб-ҳунарга ўқитишга сарфланадиган харажатларини уч ойгача бўлган муддатда қоплаш учун базавий ҳисоблаш миқдорининг 2 бараваригача миқдорда субсидия ажратади;

2-қадам

субсидия ажратилган талабгор касаначиларни касб-ҳунарга ўқитиш бошлаганлиги тўғрисида маҳаллий меҳнат органига ўқиш бошланган кундан 10 кун ичида ёзма равишда хабардор қилади.

Жами муддат: 3 иш куни

ҲУНАРМАНДЧИЛИК ВА КАСАНАЧИЛИКНИ ҚЎЛЛАБ-ҚУВВАТЛАШ ЖАМҒАРМАСИ МАБЛАҒЛАРИ ҲИСОБИДАН ТАДБИРКОРЛИК СУБЪЕКТЛАРИГА ФОИЗСИЗ ССУДА АЖРАТИШ

■ Ссудани ажратиш тартиби ва шартлари

Талабгор касаначиларни жалб этгандан сўнг ссуда олиш учун маҳаллада тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокими ёрдамчиларининг тавсияси асосида ҳудудий бош бошқармага ёзма равишда ёки Ўзбекистон Республикаси Ягона интерактив давлат хизматлари портали орқали мурожаат қилади.

Талабгорнинг мурожаатида қуйидагилар илова қилиниши шарт:

- ☒ жалб қилинган касаначиларнинг сони, фамилияси, исми, отасининг исми;
- ☒ касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси;
- ☒ охириги ҳисобот даври учун солиқдан қарздорлиги йўқлиги тўғрисида солиқ органлари маълумоти, шунингдек, муддати ўтган кредит қарзлари мавжуд эмаслиги ҳақида хизмат кўрсатувчи тижорат банкидан маълумотнома;
- ☒ ссуданинг миқдори ва ссуда сўралаётган давр, шунингдек, ссудани қайтаришнинг кафолатланган манбалари;
- ☒ талабгорнинг ссуда тўлаб берилиши лозим бўлган ҳисобварағи (реквизитлари) ва манзили.

Худудий бош бошқарма талабгорнинг мурожаатини илова қилинган тегишли ҳужжатлар билан бирга беш иш куни ичида ўрганиб чиқади.

Худудий бош бошқарма томонидан зарурат туғилганда, худудий иқтисодиёт ва молия бошқармалари, тижорат банклари ва бошқа ташкилотлардан қўшимча маълумотлар сўраб олиниши мумкин.

Худудий бош бошқарма томонидан талабгорга ссуда ажратиш (ёки ажратишни рад этиш) тўғрисида уч иш куни ичида қарор қабул қилинади ҳамда қабул қилинган қарор ҳақида талабгор хабардор қилинади. Қарорда ссуда миқдори, уни ажратиш ва қайтариш муддатлари кўрсатилиши лозим.

Ссуда ажратиш қуйидагиларга кўра рад этилади:

-  маълумотлар (талабгорнинг мурожаати, жалб қилинган касаначиларнинг сони, фамилияси, исми, отасининг исми, касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёки пудрат шартномаси, охириги ҳисобот даври учун солиқдан қарздорлиги йўқлиги тўғрисида солиқ органлари маълумоти, шунингдек, муддати ўтган кредит қарзлари мавжуд эмаслиги ҳақида хизмат кўрсатувчи тижорат банкидан маълумотнома, ссуданинг миқдори ва ссуда сўралаётган давр, шунингдек, ссудани қайтаришнинг кафолатланган манбалари, талабгорнинг ссуда тўлаб берилиши лозим бўлган ҳисобварағи (реквизитлари) ва манзили) талабгор томонидан тўлиқ тақдим этилмаганда;
-  тақдим этилган ҳужжатлар ўз тасдиғини топмаганда;
-  касаначи билан тузилган меҳнат шартномаси ёки ишларни бажариш (товарлар ишлаб чиқариш, хизматлар кўрсатиш) ҳақидаги фуқаролик-ҳуқуқий тусдаги шартнома ёхуд пудрат шартномаси Ўзбекистон Республикаси Вазирлар Маҳкамаси ҳузуридаги Солиқ қўмитасининг Ягона электрон шартномалар ахборот порталида рўйхатдан ўтказилмаганда.

Ссуда ажратиш тўғрисида қарор қабул қилингандан сўнг ҳудудий бош бошқарма бошлиғи ва талабгор имзолари билан тасдиқланадиган ссуда ажратиш тўғрисида шартнома тузилади.

Шартномада ссудани қайтариш тартиби ҳамда жадвали илова қилинади.

Ссудани қайтариш, қоида тариқасида, ссуда ажратилган ойдан 3 ой ўтгач бошланади.

Ҳудудий бош бошқарма ва талабгор ўртасида шартнома имзолангандан сўнг беш иш куни ичида ссуда ажратилади.

Мазкур ссуда талабгор талабига биноан касаначиларнинг банк карталарига ўтказиб берилишига рухсат берилади.

Тадбиркорлик субъектларига фоиизсиз ссуда ажратиш СХЕМАСИ

1-қадам

тадбиркорлик субъекти (талабгор) тадбиркорликни ривожлантириш, аҳоли бандлигини таъминлаш ва камбағалликни қисқартириш масалалари бўйича туман (шаҳар) ҳокимларининг ёрдамчилари тавсияси асосида ҳудудий бош бошқармаларга зарур ҳужжатларни илова қилган ҳолда мурожаат қилади;

2-қадам

Қорақалпоғистон Республикаси Камбағалликни қисқартириш ва бандлик вазирлиги, вилоятлар ва Тошкент шаҳар Камбағалликни қисқартириш ва бандлик бош бошқармалари ҳужжатларни ўрганиб чиқади ҳамда талабгор билан шартнома тузилади;

3-қадам

Ҳудудий бош бошқармалар шартнома имзолангандан сўнг ссуда ажратади;

4-қадам

Талабгор ссудани шартнома шартларига кўра белгиланган муддатларда қайтаради.

Жами муддат: 13 иш куни

ХУНАРМАНДЧИЛИК БИЛАН ШУҒУЛЛАНАЁТГАН ШАХСЛАР УЧУН ИМТИЁЗ ВА КАФОЛАТЛАР

2025 йил 1 январга қадар «Халқ амалий санъати усталарининг миллий каталоги» ва «Туризм соҳасида фаолият юритаётган ҳунаرمандлар реестри»га киритилган ҳунаرمандлар учун:

-  календарь йил давомида ҳунаرمандчилик маҳсулотларини (ишлар, хизматлар) реализация қилишдан тушган тушумнинг 100 млн сўмдан ошган, бироқ 1 млрд сўмдан кўп бўлмаган миқдори бўйича айланмадан олинadиган солиқ ставкаси 50 фоизга камайтирилади;
-  товар белгиларини миллий рўйхатдан ўтказиш бепул амалга оширилади.

2023 йил 1 июлдан бошлаб:

-  давлат мулки бўлган моддий маданий мероснинг қўчмас мулк объектларини ҳунаرمандчилик фаолияти билан шуғулланиш, шу жумладан ҳунаرمандчилик маҳсулотларини реализация қилиш учун фақат Миллий каталог ва Реестрга киритилган ҳунаرمандларга электрон онлайн-аукцион орқали ижарага бериш тартиби йўлга қўйилди.

Қайдлар учун

Қайдлар учун

ҲУНАРМАНД ВА КАСАНАЧИ ШАХСЛАРГА СУБСИДИЯЛАР АЖРАТИШ

УСЛУБИЙ ҚЎЛЛАНМА

Нашр учун масъуллар: *А. Мусаев*
Ш. Абдуллаев
М. Ахмедов

Тузувчилар: *Ш. Рабиев*
И. Исломов
С. Алламуродов
М. Ахмедов

Муҳаррир: *Д. Маткаримова*

Компьютерда саҳифаловчи: *Х. Холиёров*

Ўзбекистон Республикаси Адлия вазирлиги қошидаги

«Адолат» миллий ҳуқуқий ахборот маркази.

Нашр. лис. АИ № 032, 29.10.2019.

Тошкент шаҳри, Амир Темур шоҳқўчаси, 19-уй.

Телефонлар: (99871) 233-28-18, (99871) 280-55-47

Веб сайт: www.adolatmarkazi.uz

e-маил: info@adolatmarkazi.uz

Босишга рухсат этилди 04.03.2025 й.

Қоғоз бичими 60x84 ¹/₁₆. «Segoe UI» гарнитураси.

Офсет усулида чоп этилди. Босма табоғи 3,25.

Нашриёт ҳисоб табоғи 1,5. Адади *** нусха.

-буюртма.